

“ОПТИК ТОЛАДА ЁРУГЛИКНИНГ ТАРҚАЛИШ ҚОНУНИЯТЛАРИ” МАВЗУСИНИ ЎҚИТИЩДА МУАММОЛИ ТАЪЛИМ ТЕХНОЛОГИЯЛАРИДАН ФОЙДАЛАНИШ

DOI: <https://doi.org/10.53885/edinres.2022.36.21.022>

Содикова Шоҳида Мирзаахмадовна,

Ўзбекистон Миллий университети, умумий физика кафедраси
доценти

Аннотация. Мақолада геометрик оптик қонуниятлари, жумладан, ёруғликнинг тўла ички қайтиши ҳамда оптик тола ва унинг тузилиши, оптик толанинг маркиби ва классификацияси, оптик тола турлари ва уларнинг тавсифлари, шунингдек, бир модали ва кўп модали оптик толалар ҳамда нур толада ёруғликнинг синии жараёнларининг физик хоссалари муаммоли таълим технологиялари асосида ёритиб берилган.

Калит сўзлар: ёруғликнинг синииши, ёруғликнинг тўла ички қайтиши, оптик тола, бир модали оптик тола, кўп модали оптик тола, призма, дисперсия, сўниши коэффициенти, синдириши кўрсаткичи, магнит ўтказувчанлик, изотроп, муаммоли таълим технологияси.

ИСПОЛЬЗОВАНИЕ ПРОБЛЕМНЫХ ОБРАЗОВАТЕЛЬНЫХ ТЕХНОЛОГИЙ В ИЗУЧЕНИЕ ТЕМЫ “ЗАКОНЫ РАСПРОСТРАНЕНИЯ СВЕТА В ОПТИЧЕСКОМ ВОЛОКНЕ”

Содикова Шоҳида Мирзаахмадовна,

Национальный университет Узбекистана, доцент кафедры общей
физики

Аннотация. В статье рассматриваются геометрические оптические законы, в том числе полное внутреннее отражение света и оптического волокна и его структура, состав и классификация оптических волокон, типы оптических волокон и их характеристики, а также одномодовые и многомодовые оптические волокна и физические свойства процессов преломления света в световоде освещаются на основе технологий проблемного обучения.

Ключевые слова: преломление света, полное внутреннее отражение света, оптическое волокно, одномодовое оптическое волокно, многомодовое оптическое волокно, призма, дисперсия, коэффициент затуханий, показатель преломления, магнитная проводимость, изотроп, технология проблемного обучения.



THE USE OF PROBLEM EDUCATIONAL TECHNOLOGIES IN STUDYING THE TOPIC “LAWS OF THE DISTRIBUTION OF LIGHT IN OPTICAL FIBER”

Sodikova Shokhida Mirzaakhmadovna,

National University of Uzbekistan,

Associate Professor at the Department of General Physics

Annotation. The article discusses geometric optical laws, including total internal reflection of light and optical fiber and its structure, composition and classification of optical fibers, types of optical fibers and their characteristics, as well as single-mode and multimode optical fibers and the physical properties of light refraction processes in a light guide are illuminated based on problem learning technologies.

Key words: *light refraction, total internal light reflection, optical fiber, single mode optical fiber, multimode optical fiber, prism, dispersion, attenuation coefficient, refractive index, magnetic conductivity, isotropy, problem learning technology.*

Кейинги йилларда турмушимизнинг барча соҳалари қатори илм-фен ва таълим соҳасига ҳам катта аҳамият берилмоқда. Ўзбекистон Республикаси Президентининг 2017 йил 7 февралдаги ПФ-4947-сонли “Ўзбекистон Республикасини янада ривожлантириш бўйича Ҳаракатлар стратегияси тўғрисида”ги Фармони, шунингдек, Ўзбекистон Республикаси Президенти Шавкат Мирзиёевнинг 2020 йил 24 январда Олий Мажлисга қилган Мурожаатномаси бу соҳадаги амалга оширилаётган ижобий ишларнинг мантиқий давоми бўлди.

Мурожаатномада таъкидланишича, “...Ўзбекистонни ривожланган мамлакатга айлантиришни мақсад қилиб қўяр эканмиз, бунга фақат жадал ислоҳотлар, илм-маърифат ва инновация билан эриша оламиз. Бунинг учун аввалам бор ташаббускор ислоҳотчи бўлиб майдонга чиқадиган, стратегик фикр юритадиган билимли ва малакали янги авлод кадрларини тарбиялашимиз зарур”. Шу нуқтаи назардан келиб чиқиб, фундаментал фанлар йўналишидаги ихтиро ва янги ишланмаларни амалиётга имконият даражада жорий қилиш, ўқитишнинг методик тизимини такомиллаштириш бўйича илмий-тадқиқот ишларини амалга ошириш муҳим аҳамият касб этади. Бу эса ўз навбатида фундаментал фанларнинг ривожланишига туртки бўлмоқда.

Хозирги вақтда таълим тизимидағи кўзланган асосий вазифалар бу - фан ва техника соҳасидаги ютуқлар билан талабаларни ўз вақтида танишишириб бориш; турли кераксиз ахборотлар таъсиридан ўқувчи-талабаларни асраш; давр талабига, миллий менталитетимизга мос

келувчи баркамол авлодни тарбиялаш каби муҳим ишларни амалга оширишдан иборат [1; 2;].

Физика ўқитувчиси, маъruzada ўрганиладиган мавзунинг таълимий, тарбиявий ва ривожлантирувчи мақсадлари ва педагогик технологияларнинг дидактик функияларини ҳисобга олган ҳолда, технологиядан фойдаланишни илмий-услубий асосда танлагандагина, кўзланган мақсадга ва самарадорликка эришади.

Таълим жараёнида салмоқли ўрин эгаллаган муаммоли (ақлий хужум) маъруза, мунозарали (илмий мунозарали ва эркин фикрлаш) мавзулар муаммоли таълим технологиясига асосланади.

Мазкур мавзуларнинг ўзига хос жиҳати маъзуза давомида вужудга келтирилган муаммоли вазиятларга асосланади.

Муаммоли таълим деб, ўқитувчи томонидан педагогик таъсир кўрсатишнинг энг муқобил тури ёрдамида фикр юритиш қонуниятларига таянган ҳолда, талабаларнинг билимларни ўзлаштириш жараёнида фикрлаш қобилиятини ривожлантириш ва билиш эҳтиёжини қондириш мақсадига йўналтирилган, талаба билимининг умумий ва маҳсус ривожланишига замин тайёрлайдиган жараёнга айтилади.

Муаммоли таълим жараёнида ўқитувчи раҳбарлигида муаммоли вазият вужудга келтирилиб, мазкур муаммо талабаларнинг фаол мустақил фаолияти натижасида билим, кўнинма ва малакага эришиш мақсадида қўлланилиб, унда талаба ўқув мавзусини таҳлил қиласи, таққослайди, синтезлайди, маълумотларни умумлаштириб, янги ахборот олади. Бошқача айтганда, аввал ўзлаштирган билим ва кўникмаларини янги вазиятларда қўллаб, билимларни чуқурлаштиради, кенгайтиради.

Билимларни бундай ўзлаштириш усулини ҳеч бир маърузачи ва устоз ўргата олмайди, фақат талабалар муаммоли вазиятларни ҳал этиш жараёнида изланади ва муаммолар ечимини топади.

Талабаларни ижодий ва мантиқий фикрлашга ўргатиш, ақлий фаолият усуларини эгаллашга, уларда илмий, танқидий-таҳлилий, мантиқий фикр юритиш кўникмаларини шакллантириш ва ривожлантиришга олиб келади.

Масалан, “Оптик толада ёруғликнинг тарқалиш қонуниятлари” мавзунини мушоҳада қилиб кўрсақ. Мавзуга оид “Оптик тола қандай тузилган?” деган биргина савол, навбатдаги қатор муаммоли саволларни келтириб чиқаради. Толали оптик алоқа тизимида аҳборотлар қандай узатилади?. Толали оптик алоқа тизимида оптик тебранишларнинг тарқалишини чегараловчи ва ёруғлик энергияси оқимини берилган йўналишда йўналтирувчи, узатиш ва қабул қилиш йўлларини боғлаб турувчи муҳит оптик ёруғлик узатгичлар дейилади [7; 191-214-6.]. Оптик ёруғлик узатгичларнинг тавсифлари қисман алоқа тизимининг

сифатини аниқлайды. Шунинг учун толали оптик алоқа тизимни лойихалаштиришда нурланиш тарқаладиган узатувчи муҳит - оптик ёруғлик узатгичларнинг тавсифларини ҳисобга олиш керак.

Толали оптик алоқа тизимда маҳсус оптик ёруғлик узатгичлар оптик толалар қўлланилади. Кичик сўниш коэффициентига эга бўлган оптик ёруғлик узатгичлар асосида оптик сигналларни узоқ масофаларга узатишни таъминловчи оптик кабеллар яратилган. Ахборотни узатувчи оптик толалар қандай тузилган? Ёруғлик узатувчи оптик толалар ўзак ва қобиқдан иборат бўлади. Улар қиймат бўйича бир-бирига яқин турли синдириш кўрсаткичларига эга. Ўзак узатувчи муҳит, қобиқ эса ўзи ва ўзак орасида чегара ҳосил қилувчи сифатида ишлатилади. Бу чегара ёруғликни йўналтирувчи физик канални шакллантириб, у орқали узатилган сигналнинг ташувчиси ёруғлик нури тарқалади. Ёруғлик нурининг фақатгина ўзак бўйлаб тарқалиши учун қандай шарт бажарилиши керак? Ёруғлик нурининг фақатгина ўзак бўйлаб тарқалишини таъминлаш учун (1-расм) қўйидаги шарт бажарилиши керак:


$$n_1 > n_2 > n_3 > n_o$$

бунда:

n_1 - ўзакнинг синдириш кўрсаткичи; n_2 , n_3 - қобиқларнинг синдириш кўрсаткичлари; n_o — ташқи муҳитнинг синдириш кўрсаткичи.

Оптик ёруғлик узатгичларнинг синдириш кўрсаткичи: $n = \sqrt{\epsilon\mu}$

бунда ϵ , μ мос равиша нисбий диэлектрик ва магнит ўтказувчанлик.



1-расм. Ёруғлик узатувчи оптик толалар.


Хар хил моддалардан ёруғлик турли тезликларда тарқалади. 1-жадвалда турли моддаларнинг синдириш кўрсаткичлари ва ёруғликнинг тарқалиш тезликлари келтирилган.

Турли материалларнинг синдириш кўрсаткичлари

1-жадвал

Материаллар номи	Синдириш кўрсаткичлари	Ёруғликнинг турли материаллардаги тезлиги, км/сек
Вакуум	1,0	300 000
Хаво	1,0003(1)	300 000
Сув	1,33	225 000
Кварц	1,46	205 000
Шиша	1,5	200 000
Олмос	2,5	120 000

2-расмда оптик толанинг таркибий қисмлари тасвирланган. Оптик тола учун асосий материал жуда тоза ва тиниқ кварц шишаси, кремний икки оксида (SiO_2) хисобланади [3; 182-185-6.].



2-расм. Оптик толанинг тузилиши.

Оптик толанинг таркиби ва классификацияси. Оптик толали кабел қандай элементлардан ташкил топган? Оптик толали кабел қўйидаги элементлардан иборат:

Ташувчи кабел, полиэтилен қобиқ билан қопланган шиша толали ёки металлдан ясалган. Модулларни марказлаштириш ва кабелни кесмада маҳкамлаш учун винт остида маҳкамланган кабелни мустаҳкамлаш учун хизмат қиласи.

Икки қатламли шиша ёки пластмасса толалар, бир ёки икки қатламли лак билан қопланган. Лак қатлами толаларни шикастланишдан ҳимоя қиласи ва толаларни рангли белгилаш учун хизмат қиласи.

Филаментларни ўз ичига олган пластик қувурлар - ёруғлик толалари ва хидрофобик гел билан тўлдирилган. Найчалар сони 1 ёки ундан кўп бўлиши мумкин, найчадаги толалар сони 4 дан 12 гача, кабелдаги толаларнинг умумий сони 4 дан 288 гача. Кабелнинг умумий ўлчамларини оз сонли толалар билан сақлаш учун қувурлар ўрнига қора диэлектрик найчаларга киритилиши мумкин.

Найча атрофига ўралган иплар билан бирга тортилган ва хидрофобик гел билан намланган плёнка. У дампинг хусусиятларига эга ва кабел ичидаги ишқаланишни камайтириш, намлиқдан кўшимишча ҳимоя қилиш,

модуллар орасидаги бўшлиқда хидрофобик суюқликни сақлаш ва ҳоказолар учун мўлжалланган.

Намлиқдан қўшимча ҳимоя қилиш учун мўлжалланган полиэтилендан тайёрланган нозик ички қобиқ қатлами.

Гел, бу полиэтилен плёнка ва маълум микдордаги хидрофобик гелдан иборат. Бу қўшимча намлиқдан ҳимоя қилиш учун мўлжалланган.

Қалин ва юмшоқ полиетилен қобиқ бўлган қатлам, ички қатламларни атроф-мухит таъсиридан ҳимоя қилиш учун мўлжалланган.

Оптик толали кабеллар қуидагиларга бўлинади:

1. Тола материали бўйича:

ГОФ-кабел (шиша оптик толали кабел); ПОФ-кабел (пластик оптик толали кабел).


2. Ўрнатиш жойи бўйича:

ташки ўрнатиш учун (ерга, хавода, сув остида); ички ўрнатиш учун (маълумотлар марказлари ичida).

3. Қўйиш шартларига кўра:

суспензия учун (кевлар ёки арқон билан кабел); электр узатиш линиясининг таянчларида (чақмоқлардан ҳимояланган сими) тўхтатиб туриш учун; кабел каналларида ётқизиш учун (гофрировка қилинган металл зирхли кабел); сув остида ётқизиш учун (кўп қатламли кабел).


Қандай оптик толаларни бир модали ва кўп модали дейилади? Тўлқин узунлигига нисбатан ўзак диаметрига боғлиқ равища оптик толалар бир модали ва кўп модалига бўлинади. Бир модали оптик толаларда кўпинча ўзак диаметри 7 -10 мкм (3-а, расм), кўп модали оптик толаларда эса 50 - 62,5 мкм (3-б, расм) бўлади. Иккала турда қобиқ диаметри 125 мкм ни ташкил этади. Амалиётда кўп модали ва бир модали оптик тола диаметрларининг бошқа қийматлари ҳам мавжуд. Бир модали оптик толадан фақат бир мода узатилади. Кўп модали оптик толадан эса апертура бурчаги доирасида толага турли бурчаклар остида киритиладиган бир неча юзлаб рухсат этилган модаларни бир вақтда узатиш мумкин. Рухсат этилган модалар турли тарқалиш йўналиши ва вақтига эга.



3 -расм . Бир модали (а) ва кўп модали (б) оптик толаларнинг қўндаланг кесими

Кўп модали оптик толалар синдириш кўрсаткичи бўйича қандай

толаларга бўлинади? Кўп модали оптик толалар синдириш кўрсаткичи кўриниши бўйича поғонали (4-а, расм) ва градиент (4-б, расм) толаларга бўлинади. Поғонали синдириш кўрсаткичли кўп модали оптик толалар икки муҳит чегарасида синдириш кўрсаткичларининг кескин (поғона кўринишида) ўзгариши (n_1 дан n_2 га) билан характерланади. Поғонали синдириш кўрсаткичли оптик толалар ўтказиш полосасини чегаралайди, лекин градиент синдириш кўрсаткичли оптик толаларга нисбатан арzon ҳисобланади.



4-расм. Поғонали (а) ва градиентли (б) кўп модали оптик толаласининг тузилиши ва синдириш кўрсаткичи кўринишлари

Градиент синдириш кўрсаткичли кўп модали оптик толалар поғонали синдириш кўрсаткичли толаларга қараганда равон синдириш кўрсаткичи ва модалараро дисперсиянинг камайиши бўйича юқори техник кўрсаткичларга эга. Чунки градиент синдириш кўрсаткичли оптик толада модаларнинг тарқалиш тезлиги (дисперсияси) бирбиридан жуда ҳам катта фарқ қилмайди. Дисперсия импульсларнинг кенгайиб кетиши ва узатилаётган сигналларнинг бузилишига олиб келади. Шунинг учун ҳозирда градиент синдириш кўрсаткичли кўп модали оптик толалар кенг тарқалган.


Градиент синдириш кўрсаткичли кўп модали оптик толаларнинг энг асосий камчилиги уларнинг қимматлилиги ва ишлаб чиқаришнинг мураккаблигидир.

Кўп модали оптик толаларда модалараро дисперсия ўтказиш полосаси ва алоқа масофасини чегаралайди. Шунинг учун кўп модали оптик толалар, асосан, локал тармоқларда ва нисбатан паст тезликли ракамли толали оптик алоқа тизими (ТОАТ) сигналларини узатишида ишлатилади. Бир модали оптик толалардан магистрал алоқа

тармоқларида фойдаланилади. Чунки, бир модали оптик толаларда модалараро дисперсия юзага келмайды, шунинг учун сигналлар күп модали режимга қараганда кам бузилиш билан узатиласиди. Яъни, бир модали оптик толалардан фойдаланиш ўтказиш қобилиятини оширади, лекин узатувчи қисмда бир мунча қиммат бўлган яримўтказгичли лазердан фойдаланиш талаб этилади [3; 180-182-б.].

Оптика қонуниятлари ёруғлик нурининг тўғри чизиқли тарқалиши, тола муҳити билан ўзаро таъсиrlашуви ва изотроплик хусусияти - муҳитда барча йўналишларда ёруғликнинг бир хил тарқалишига (шиша бир турдаги ва изотропли муҳит ҳисобланади) асосланган. Бу қонуниятларга ёруғликнинг қайтиш ва синиш қонуллари ва уларга асосланган ҳодисалар таъаллукли [8; 526-531-б., 9; 147-172-б.].

Ёруғлик бир моддадан иккисига ўтганда қандай ҳодиса кузатиласиди? Ёруғлик бир моддадан бошқасига ўтганда унинг тарқалиш тезлиги ўзгаради, яъни тўлқин назарияси нуқтаи назаридан бу харакат йўналишининг ўзгаришига олиб келади. Бу ҳодиса - ёруғликнинг тўғри йўналишдан оғиши синиш деб аталади [4; 485-492-б.].




5-расм. Ёруғликнинг синиши

Синиш ҳодисасига балиқ овлашда ҳам дуч келинади. Сув остидаги балиқни кўрганимизда, унинг ҳақиқий жойлашувини эмас, балки унга яқин жойлашувини кўрамиз (5-расм). Агар балиққа пастга вертикал қарасак, ёруғликнинг синиши рўй бермайди ва балиқнинг асл жойлашган жойини кўрамиз. Агар унга бурчак остидан қарасак, синиш ҳисобига асл жойлашган жойни кўрмаймиз, бунда балиқ назаримиздаги кўринишдан чуқурроқда жойлашган бўлади.

Синиш ҳодисасини призмада ҳам кўриш мумкин. Призмага оқ

ёруғлик туширилганда турли рангларга ажralишининг сабаби нимада? Призмага оқ ёруғлик туширилганда, призма бу ёруғликни синдиради ва камалакнинг турли рангларига ажralади. Қизил ранг энг кучли оғади ва кичик тарқалиш тезлигига эга. Синиш призма киришида бўлганидек, чиқишида ҳам ҳосил бўлади (6-расм). Оптик толадан сигналларнинг узатилишида ҳам юқорида кўриб чиқилган синиш ҳодисаси рўй беради.



6-расм. Призмада ёруғликнинг синиши

Ўтган асрнинг сўнгти ўн йиллари давомида ёруғликнинг тўлқин ва корпускуляр табиати билан боғлиқ фундаментал хоссаларидан фойдаланиш, оптоэлектроника, интеграл оптика, голография бўйича эришилган ютуқлар, жумладан, юқори самараали яримўтказгичли ёруғлик манбалари - ёруғлик ва лазер диодларининг, катта сезгирилкка эга бўлган, тезкор фото-қабулқилгичлар - фотодиодлар, кўчкили фотодиодлар, юқори даражадаги шаффофф, кам йўқотишли ёруғлик узаткичлар - оптик толаларнинг яратилиши алоқа тизимларининг янги ва истиқболли йўналиши оптик алоқанинг пайдо бўлиши, жадал суръатлар билан ривожланиши ва кенг қўлланишига олиб келди [5; 189-192-б., 6; 65-68-б.].

Фойдаланилган адабиётлар

1.Ўзбекистон Республикаси Президентининг 2017 йил 7 февралдаги ПФ-4947-сон “Ўзбекистон Республикасини янада ривожлантириш бўйича Ҳаракатлар Стратегияси тўғрисида” ги Фармони. – Ўзбекистон Республикаси қонун хужжатлари тўплами, 2017 й., 6-сон, 70-модда.

2.Ўзбекистон Республикаси Президенти Шавкат Мирзиёевнинг Олий Мажлисга Мурожаатномаси. 2020 й., 24 январь. –Т.: Тасвир



нашриёт уйи, -72 б.

3. Шарупич Л.С., Тугов Н.М. Опто-электроника. –М.: 1984. -256 с.
4. Ландсберг Г.С. Оптика. Ўқитувчи-нашриёти. –Т.: 1981. - 943 с.
5. Содиқова Ш.М., Отажонов Ш., Курбонов М. Лазерлар ва уларнинг амалиётдаги ўрни // Ўқув қўлланма. –Т.: Фан ва технология, 2019. -214 б.
6. Курбонов М. Физикадан намойиш экспериментларининг услубий функцияларини кенгайтиришнинг назарий асослари. Монография.– Т.: Фан, 2008. -118 б.
7. Ҳабибуллаев П.К. ва бошқалар Физика изоҳли лугати. // Ўқув қўлланма. – Т.: Ўзбекистон миллий энциклопедияси, 2002. -304 б.
8. Ивероновой В.И. Лекционные демонстрации по физике. –М.: 1972. -640с.
9. Покровский А.А. Демонстрационный эксперимент по физике в средней школе. –М.: 1979. -287с.